
ХАЛҚЛАР ДЎСТЛИГИ КУНИ МУНОСАБАТИ БИЛАН ИККИ НАФАР ФАРҒОНАЛИКЛАР ДАВЛАТ ОРДЕНИ ВА МЕДАЛИ БИЛАН ТАҚДИРЛАНДИЛАР

30 июль - Халқлар дўстлиги куни муносабати билан бир гуруҳ юртдошларимизни мукофотлаш тўғрисида Президент фармони қабул қилинди.

Мамлакатимизда миллатлараро дўстлик ва тотувликни мустаҳкамлаш, жамиятимизда турли миллат ва элат вакиллари ўртасидаги ўзаро ҳамжиҳатлик, бағрикенглик, меҳр-оқибат муҳитини асраш, миллий маданиятлар, урф-одат ва анъаналарнинг ўзига хослигини сақлаш ҳамда ривожлантиришга қўшган муносиб ҳиссаси, хорижий мамлакатлар билан икки томонлама манфаатли муносабатлар ва маданий-маърифий алоқаларни янги босқичга кўтариш, давлатимизнинг тинчликсевар ва халқпарвар сиёсатини халқаро миқёсда кенг тарғиб қилиш борасидаги катта хизматлари, ёш авлодни Ватанга муҳаббат ва садоқат, миллий ва умуминсоний қадриятларга ҳурмат руҳида тарбиялаш йўлидаги ибратли ишлари ҳамда ижтимоий ҳаётдаги фаол иштироки учун давлат ордени ва медаллари билан тақдирланганлар қаторида Фарғона вилояти рус миллий маданий маркази раиси Ақопджанова Галина Алексеевна «Меҳнат шуҳрати» ордени билан, Сўх туманидаги «Сариканда» маҳалла фуқаролар йиғини раиси Сафоев Баходир Акпаралиевич «Шуҳрат» медали билан мукофотландилар.

Ушбу юксак мукофотлар билан ҳамюртларимизни чин қалбдан табриклаймиз!

[Бизни ижтимоий тармоқларда кузатинг Facebook,](#)
2021-07-31 09:43:07